

REGLUGERÐ

um hækkun fæðingarstyrks samkvæmt lögum um almannatryggingar.

Fæðingarstyrkur, samkvæmt 18. gr. laga nr. 40 30. apríl 1963 skal hækka úr kr. 11 600.00 í kr. 13 000.00 við hverja fæðingu.

Reglugerð þessi, sem sett er samkvæmt lögum nr. 20 23. apríl 1965 um breyting á lögum nr. 40 30. apríl 1963 um almannatryggingar, staðfestist hér með til að taka gildi þegar í stað.

Heilbrigðis- og tryggingarmálaráðuneytið, 10. ágúst 1970.

Eggert G. Þorsteinsson.

Hjálmar Vilhjálmsson.

HAFNARREGLUGERÐ

fyrir Blönduós.

I. KAFLI**TAKMÖRK HAFNARINNAR****1. gr.**

Höfnin takmarkast landmegin frá Mógili sunnan við Bolanöf að hugsaðri línu vestur frá norðvesturhorni neðri brekku kaupþúnsins, og er höfnin fyrir þessari strandlengju fram yfir mælda skipalegu.

II. KAFLI**STJÓRN HAFNARINNAR OG REKSTUR****2. gr.**

Sveitarstjórn hefur á hendi stjórn og rekstur hafnarinnar undir yfirumsjón samgönguráðuneytisins.

Sveitarstjórn kýs á fyrsta fundi sínum 5 manna hafnarstjórn og jafnmarga til vara og skipar formann hennar og varaformann, sem boðar til funda í hafnarstjórn og stýrir þeim.

Kiörtímabil hafnarstjórnar skal vera hið sama og sveitarstjórnar.

Hafnarvörður, eða sá sem sér um daglegan rekstur og eftirlit hafnarinnar, á sæti á fundum hafnarstjórnar og hefur þar málfrelsi og tillögurétt.

3. gr.

Til aðstoðar hafnarstjóra við daglegan rekstur hafnarinnar, eftirlit og umsjón, skulu vera svo margir starfsmenn, sem þurfa þykir. Hreppsnefnd skipar hafnarstjóra, hafnarvörð eða umsjónarmann, og aðra fasta starfsmenn eftir tillögum hafnarstjórnar og setur þeim erindisbréf, þar sem m. a. verksvið þeirra er ákveðið.

Daglegan rekstur, framkvæmdir, eftirlit og umsjón annast hafnarvörður í samráði við hafnarstjórn.